

G J A L D S K R Á

fyrir Rafmagnsveitu Reykjavíkur.

I. KAFLI

Gildissvið.

1. gr.

Gjaldskrá þessi gildir fyrir orkuveitusvæði Rafmagnsveitu Reykjavíkur.

II. KAFLI

Heimtaugargjöld

2. gr.

Heimtaugargjöld skulu greidd samkvæmt eftirfarandi töflu:

	Jarðstrengur	stofngjald		Loftlína	
		kr.	kr./m	kr.	kr./stólpa
1 25 A	1-fasa			3 533	4 123
2 60 A	—	806	355	4 123	4 710
3 100 A	—	806	427	5 300	5 889
4 25 A	3-fasa			4 123	4 710
5 60 A	—	806	427	5 300	5 889
6 100 A	—	2 441	485	7 067	7 361
7 200 A	—	8 392	736	14 134	8 834
8 300 A	—	34 000	x		
9 150 kVA	—	39 000	x		
10 300 kVA	—	78 000	x		
11 500 kVA	—	130 000	x		
12 800 kVA	—	208 000	x		

A merkir málstraum (amper) vara í stofnvarkassa (eða stofnvara innan við stofntengikassa).

kVA merkir málraun (kilovoltamper) spennis, þegar um sérspennistöð er að ræða.
x Greiðist skv. kostnaði.

3. gr.

- 3.1 Lengd jarðstrengheimtaugar reiknast í heilum metrum (m) frá lóðamörkum eða næsta útítengikassa að stofnvarkassa (eða stofntengikassa) hússins, Lengdargjald (kr./m) greiðist skv. töflu í 2. gr. Rafmagnsveitan ákveður legu heimtaugarinnar.
- 3.2 Sjái húseigandi, á eigin kostnað, um lögn frá útítengikassa eða rofa í spennistöð að eigin stofntengikassa eða töflu, greiðir hann aðeins stofngjald skv. töflu í 2. gr., enda annist húseigandi sjálfur viðhald heimtaugarinnar.
- 3.3 Fyrir loftlínuheimtaugar greiðist lengdargjald skv. töflu í 2. gr., ef setja þarf sérstaka stólpa vegna fjarlægðar eða afstöðu stofnkassa til notandalínu.
- 3.4 Sé um óskipulagt svæði að ræða eða aðstæður óvenjulegar, er heimilt að krefjast sértaks aukagjalds af húseiganda.
- 3.5 Í byggingahverfum, sem sérstaklega eru skipulögð sem ein heild, er Rafmagnsveitunni heimilt að jafna lengdargjöldum niður á umsækjendur heimtauga.

4. gr.

Sé nauðsynlegt að setja upp spennistöð vegna ákveðins notanda og hún að mestu leyti notuð í þágu hans, skal notandanum skylt að leggja til lóð undir

stöðina Rafmagnsveitunni að kostnaðarlausu, og skal hann í öllu hlíta skilmálum Rafmagnsveitunnar um stærð lóðarinnar og staðsetningu stöðvarinnar.

5. gr.

Heimtaugargjald skal greitt við umsókn.

III. KAFLI

Mælaleiga.

6. gr.

Rafmagnsstjóri ákveður stærð og gerð mælitækja, sem notuð eru á hverjum stað í sambandi við sölu á raforku:

Ársleiga eftir mælitæki skal vera sem hér segir:

Tegund mælitækis	Upp að	35—50	55—100	Yfir
	30 amp. kr.	amp. kr.	amp. kr.	100 amp. kr.
Einfasa kwst. mælar, hemilmælar, hemlar og lausar skiptiklukkur einar sér	55.20			
Þrífasa kwst. mælar, þrífasa hemilmælar, einfasa frádráttarmælar, lausir	119.88	202.80	234.96	387.12
Tvigjaldsmælar, mestumælar	202.80	234.96	368.88	589.92

Ársleiga eftir önnur mælitæki skal vera sem næst 15% af verði viðkomandi tækis eftir nánari ákvörðun rafmagnsstjóra.

Ekki skal greiða leigu eftir mæla, sem notaðir eru skv. 1 ml. 2. tl. 8. gr.

Leiga skal greidd samtímis gjaldi fyrir raforku.

IV. KAFLI

Sala raforku.

7. gr.

Verð á raforku til lýsingar skal ákveðið svo sem hér segir:

1. Kr. 6.69 hver kwst., sem seld er um kwst.mæli.
2. Kr. 919.84 hvert árshektó Watt, sem selt er um hemil eða hemilmæli, enda standi hemilstillingin ávallt á heilu hw. og sé bil milli tveggja stillinga eigi minna en 10% hinnar hærrí. Umframnotkun skal seld skv. 1. tl. Heimilt er að selja raforku til útlýsingar skv. þessum lið, þótt mælitækjum verði ekki við komið, svo og raforku til götulýsingar, enda greiði þá notandi að auki viðhaldskostnað að fullu.
3. Kr. 1.77 hver kwst., sem seld er um kwst.mæli. Auk þess ber þá að greiða fastagjald, er nemi kr. 919.84 á ári fyrir allt að 25 ferm. gólfplatarmál rýmis þess, er lýsa skal og kr. 28.40 fyrir hvern ferm. umfram 25 ferm. Fyrir ganga og geymslur skal deila fermetragjaldinu með 3.5.
4. Kr. 190.58 hvert árshw., og öll notkun kr. 1.77 kwst., ef um meira en 2.5 kw. afl er að ræða og árlegur notkunartími meiri en 600 klst. Verði aflmælingu skv. þessum lið ekki beitt, skal reikna fyrir hvern fermetra gólfplatarmáls 15 wött á kr. 115.35 árshw.

Nú er notuð lýsing með flúrlömpum, og er þá heimilt að miða gjald skv. 1.—4. tl. við voltampére í stað watta.

8. gr.

Verð á raforku til almennrar heimilisnotkunar skal ákveðið sem hér segir:

1. Raforka til ljósa um sérmæli skal seld skv. 1. tl. 7. gr., en raforka til heimilisvéla um sérstakan mæli skal seld 1.67 kwst., og er heimilt að selja til notk-

- unar í skrifstofum, verzlunum og verkstæðum, raforku skv. þessum lið, en þó ekki fyrir 3-fasa hreyfla.
2. Kr. 1.45 hver kwst., sem seld er um kwst.mæli og auk þess fastagjald kr. 140.40 á ári af hverju íbúðarherbergi. Heimilt skal að selja til notkunar í veitingahúsum, gistihúsum og öðrum slíkum stöðum raforku til suðu, skv. þessum lið, enda sé þá selt um sérmæli, en herbergjagjald ekki reiknað. Sama gildir um sölu á raforku til súgurrkunar á heyi.
 3. Kr. 4968.16 hvert árskw., sem selt er um hemilmæla og auk þess kr. 1.36 hver kwst. fyrir umframnotkun. Hemilstillingin skal vera minnst 500 wött að viðbættum 100 wöttum fyrir hvert íbúðarherbergi umfram tvö. Heimilt skal að selja skrifstofum, verzlunum og verkstæðum raforku skv. þessum lið, þó eigi fyrir 3-fasa hreyfla. Stilling hemils skal þá miðuð við 500 wött fyrir fyrstu 25 ferm. gólfflatar eða minna, og síðan 100 wött fyrir hverja 12 ferm. eða minna. Beita skal 3. tl. 7. gr. við ákvörðun gjaldsins, en ef óskað er hærri hemilstillingar en um getur í þessum tölulíð, þá 2. tl. 7. gr.
 4. Kr. 1.26 hver kwst., þegar orkan er seld sjúkrahúsum, heilsuverndarstöðvum, vistheimilum fyrir börn og elliheimilum. Taxi þessi tekur ekki til starfsmannabústaða þeirra, sem eru utan aðalbygginga viðkomandi stofnunar.

9. gr.

Verð á raforku til vélareksturs skal ákveðið svo sem hér segir:

1. Kr. 3.34 hver kwst., sem seld er um kwst.mæli. Lágmarksárgjald skal þó vera kr. 2 257.00, en þó aldrei lægra en kr. 769.37 á ári fyrir hvert uppsett kw. í málraun véla. Heimilt er að selja orku eftir þessum lið með fastagjaldi fyrir vélar og reikna kr. 668.62 á uppsett árskw., en auk þess skal greiða kr. 1.30 fyrir hverja kwst.
2. Ef raforka er seld um mestu-mæla fyrir mesta notað afl, skal greiða fyrir notkunina svo sem hér segir:
Kr. 1120.00 á árskw.
Auk þess skal greiða kr. 0.57 fyrir hverja kwst.
3. Kr. 3628.32 fyrir hvert árskw., sem selt er um hemilmæli, og kr. 1.77 hver kwst., sem umfram er.
Rafmagnstjóri ákveður stillingu hemilmælis hverju sinni.
Raforku til hitunar í iðnaði má selja skv. þessum lið.
4. Kr. 3.52 fyrir hverja kwst., sem seld er til vinnuvéla, vinnuljósa og annarra nota við húsbyggingar, meðan á framkvæmdum stendur.

10. gr.

Verð á raforku til hitunar skal ákveðið sem hér segir:

1. Kr. 0.70 hver kwst., seld um kwst.mæli, enda sé lágmarksnotkun 10 000 kwst. á ári.
2. Kr. 0.61 hver kwst., sem seld er um kwst.mæli, ef straumur er rofinn kl. 10.45—12.00 og 18.30—19.45.
Heimilt er jafnhliða þessu ákvæði að selja raforku, skv. 2. tl. 8. gr., enda skal þá fastagjald vera kr. 1394.80 á ári fyrir eins herbergis íbúð og kr. 641.14 að auki fyrir hvert herbergi, sem þar er fram yfir, allt að kr. 3962.00 á ári.
Selja má raforku skv. 1. mgr. þessa liðar án klukkurofa, þar sem raforkan er notuð til hitunar á neyzluvatni, stórra kæliflefa og fyrir vatnsdælur í íbúðarhúsum.
3. Kr. 0.44 hver kwst., sem seld er um kwst.mæli, ef straumurinn er rofinn með klukkurofa, kl. 10.00—12.00 og 2 klst. á tímanum kl. 17.00—21.00.
4. Kr. 0.28 hver kwst., sem seld er um kwst.mæli, ef straumurinn er rofinn með klukkurofa kl. 9.00—21.00, enda séu fyrir hendi nægilega stórir hitageymar

til dagsnotkunar. Þegar um er að ræða hitun á húsrými, sem stærra er en 2000 rúmm. eða aðra hliðstæða notkun á afl, er heimilt að láta raforku í té á tímunum kl. 12.30—15.30.

5. Kr. 0.37 hver kwst., sem seld er um tvígjaldsmæli á tímabilinu kl. 22.00—9.00 og kr. 1.45 hver kwst., sem seld er á tímabilinu kl. 9.00—22.00. Heimilt er að selja raforku til véla- og vélareksturs skv. þessum lið, ef um meira en 5 kw. afl er að ræða og árlegur notkunartími meiri en 500 klst., en rjúfa ber þá strauminn með klukkurofa á tímabilinu 10.45—12.00.

11. gr.

Rafmagnsstjóri má, með samþykki borgarráðs, selja raforku eftir sérstök- um samningi.

Rafmagnsstjóra er heimilt að setja sérstök skilyrði um raforkusölu til ígrípa- notkunar fleiri en eins aðila um sama mæli, svo sem um hafnarskápa, og annars staðar þar sem hann telur þess þörf, þar með talið að krefjast fyrirframgreiðslu og tengigjalds.

Rafmagnsstjóra er heimilt að ákveða sérstakt gjald fyrir launafl. hjá þeim not- endum, sem kaupa orku samkv. aflagjaldskrá.

12. gr.

Borgarstjórn ákveður gjald fyrir götu- og hafnarlýsingu.

13. gr.

Fyrir hver full 5%, sem kaupgjald hjá Rafmagnsveitu Reykjavíkur hækkar eða lækkar, hvort heldur er sökum breytinga á kaupgjaldsvisitölu eftir 1. marz 1959 eða grunnkaupi, er heimilt að hækka eða lækka raforkureikninga Rafmagnsveitunnar um 4%. Telji borgarstjórn Reykjavíkur nauðsyn á, að ráðstafanir séu gerðar til að draga úr rafmagnsnotkun, er henni m. a. heimilt að hækka rafmagnsverðið á notkun umfram meðalnotkun í hverjum gjaldskrárlið allt að 10-földu verði. Í útreikningi meðalnotkunar skal tekið tillit til orku- og aflþarfar.

V. KAFLI

Ýmis ákvæði.

14. gr.

Nú er notuð heimild til að rjúfa straum á veitu vegna vanskila notanda með greiðslu gjalda, skv. gjaldskrá þessari, og skal þá taka gjald, kr. 100.00 fyrir að setja straum á að nýju.

15. gr.

Ef í ljós kemur við skoðun, að notuð eru óleyfileg vör eða of stór, skal loka veitunni tafarlaust, og er ekki heimilt að opna hana að nýju, fyrr en notandi hefur greitt gjald, kr. 100.00, til Rafmagnsveitunnar.

16. gr.

Skilyrði fyrir sölu raforku til hitunar skv. 10. gr. eru þau, að vélaafl, götu- linur og spennur þoli álagið að dómi rafmagnsstjóra, notandi kosti tengingu klukkurofa og búnaði öllum sé hagað skv. fyrirmælum rafmagnsstjóra.

17. gr.

Í útreikningi á fjölda herbergja í íbúð skal aðeins telja stofur og svefnherbergi o. þ. h., en ekki eldhús. Herbergi minna en 5 m² skal telja sem hálf, en þar sem herbergjastærð fer fram úr 25 m² skal reikna hverja byrjaða 25 m² sem eitt herbergi. Þar sem meðalstærð herbergja í íbúð er minni en 10 m² má reikna með

þeirri meðalstærð. Þegar heildartala herbergja hefur verið reiknuð út samkvæmt þessu, skal hún hækkuð upp í heila næstu tölu, ef stendur á hálfu.

18. gr.

Söluskattur er talinn með í upphæð gjalda þeirra, sem um ræðir í gjaldskrá þessari.

19. gr.

Rafmagnsveitan leiðbeinir gjaldendum, er þess óska, um val gjaldskrárliða eftir tegund notkunar.

20. gr.

Gjaldskrá þessi öðlast gildi þegar í stað.

Ákvæði til bráðabirgða.

Verðlækkun sú, sem fólgin er í þessari nýju gjaldskrá fyrir orkusölu, skal framkvæmd samkvæmt eftirfarandi reglum:

1. Notkun skv. mælaálestri eftir gildistöku í janúar skal greidd eftir eldri gjaldskrá með 4.5% álagi.
2. Notkun skv. mælaálestri í febrúar skal greidd eftir eldri gjaldskrá með 9% álagi.
3. Notkun skv. mælaálestri í marz skal reiknuð í einingarverði gjaldskrár þessarar og síðan öll notkun úr því.
4. Þar sem álestur mæla fer fram mánaðarlega, skal notkun skv. álestri eftir gildistöku í janúar greidd með einingarverði gjaldskrár þessarar.

Gjaldskrá þessi, sem bæjarstjórn Reykjavíkur hefur samið og samþykkt, staðfestist hér með samkvæmt vatnalögum nr. 15 20. júní 1923, og orkulögum nr. 58 29. apríl 1967, og birtist til eftirbreytni öllum þeim sem hlut eiga að máli.

Jafnframt fellur úr gildi gjaldskrá um sama cfni nr. 237 30. desember 1963, ásamt síðari breytingum.

Atvinnumálaráðuneytið, 23. janúar 1968.

Ingólfur Jónsson.

Þorv. K. Þorsteinsson.

24. janúar 1968.

Nr. 9.

AUGLÝSING

um staðfestingu félagsmálaráðuneytisins á reglum nefnda til úthlutunar bóta samkvæmt lögum um atvinnuleysistryggingar.

Samkvæmt lögum nr. 29 7. apríl 1956, um atvinnuleysistryggingar hefur ráðuneytið staðfest reglugerð fyrir eftirtaldar úthlutunarnefndir atvinnuleysisbóta, sbr. auglýsingu ráðuneytisins, nr. 16, B-deild Stjórnartíðinda 7. febrúar 1957:

41. Nefnd Verkalýðsfélags Hveragerðis.
Staðfest 22. jan. 1968.
42. Nefnd Verkalýðsfélags Borgarness.
Staðfest 22. jan. 1968.

Félagsmálaráðuneytið, 24. janúar 1968.

F. h. r.

Hjálmar Vilhjálmsson.

Gunnlaugur Þórðarson.